

ԵՐԻՏԱՍԱՐԴ ԹՈՒՐՔԵՐԻ
ԱԳՐԱՐԱՅԻՆ ՔԱՂԱՔԱԿԱՆՈՒԹՅՈՒՆԸ
ԱՐԵՎՄՏՅԱՆ ՀԱՅԱՍՏԱՆՈՒՄ

Ա. Ս. ՀԱՄԲԱՐՅԱՆ
Պատմ. գիտ. դոկտոր

XIX դարի վերջին և XX դարի սկզբին հողային հարցը Թուրքիայում ամենակարևոր ու կենսական հարցերից մեկն էր: Երկրի համարյա բոլոր շրջաններում բնակչության չնչին փոքրամասնությունը կազմող աղաներն ու փաշաները իրենց ձեռքերում կենտրոնացրել էին հողերի մեծ մասը, իսկ գյուղացիությունը, որ կազմում էր բնակչության գերակշռող մասը, տառապում էր սակավահողությունից ու հողազրկությունից: Արդուլ Համիդի վարած հայաջինջ քաղաքականության հետևանքով հողային հարցը առանձնապես սուր կերպարանք էր ստացել մանավանդ Արևմտյան Հայաստանում: Նպատակ դնելով ֆիզիկապես ոչնչացնել և տնտեսապես հյուծել հայերին, սուլթանը ղանազան ճանապարհներով խլել էր նրանցից շատերի հողերը և այդ մարդկանց գրել կիսաճորտական ու ճորտական կախվածության մեջ: Օգտվելով սուլթանի հայասուլաց քաղաքականությունից ու պաշտպանությունից, քրդական աղաներն ու թուրքական բեկերը Արևմտյան Հայաստանում արագորհն սկսեցին ղավթել հայերի հողերը, կոտորել կամ արտաքսել նրանց իրենց դարավոր հայրենիքից: Ֆեոդալական այդ վերնախավի հափշտակումները մեծ չափերի հասան հատկապես 1890-ական թթ. հայկական ջարդերից հետո: Քրդական մի շարք աղաներ ու բեյեր դարձան շնդարձակ վարելահողերի ու արոտավայրերի տերեր և, կողոպտելով հայ գյուղացիների նաև շարժական գույքը, կոտակեցին առասպելական հարստություն¹:

Մեր ձեռքի տակ եղած ոչ լրիվ տվյալներով, քրդական աղաներն ու թուրքական բեյերը Արևմտյան Հայաստանի վեց վիլայեթներում հայ շինականներից խլել էին 1030000 օրավար կամ 741600 հեկտար հող: Ամենամեծ հափըշտակումները կատարել էին Բիթլիսի վիլայեթում (350000 օրավար կամ 252000 հեկտար), իսկ ամենաքիչը՝ էրզրումի վիլայեթում (100000 օրավար կամ 72000 հեկտար)²: Հողազրկված գյուղացիների մեծ մասը, մնալով հայրենիքում, դարձել էր գերազանցապես մարաբու, այսինքն՝ ֆեոդալական կախյալ գյուղացի և մասամբ գյուղական բանվոր, իսկ մյուս մասը թուրքական գերությունից ազատվելու համար թողել էր հայրենիքը, փախել արտասահման, ապաստանել ղանազան երկրներում, հատկապես Ռուսաստանում՝ Կովկասում³: Աղաներն

¹ «Մուրճ», 1904, № 4, էջ 13—14, 1905, № 8, էջ 6 և 11: Վրացական ՍՍՀ կենտրոնական պետական պատմական արխիվ (ԿԳՊԱ), ֆ. 521, ցուց. 2, դ. 315, թ. 240:

² «Ազատամարտ», 1911, № 489:

³ «Աշխատանք», 1911, № 22, էջ 11:

ու բեյերը, բացի գյուղացիական հողամասերից, բռնագրավել էին նաև հայոց վանքապատկաճ ու եկեղեցապատկան կալվածքները: Նրանք հափշտակել էին 65 կտորից ավելի ազգապատկան հող, 36 եկեղեցի, 13 վանք և բազմաթիվ այլ սրբավայրեր ու գերեզմանոցներ⁴:

Համիդյան բռնապետության դեմ պայքարելու շրջանում երիտասարդ թուրքերը, մասսաների համակրանքը վայելելու և նրանցից պաշտպանություն ստանալու համար, իրենց ծրագրերից մեկում խոստանում էին հող տալ գյուղացիներին: Նրանք ազդարարում էին, թե ովքեր այս կամ այն կերպ զրկվել են իրենց հանգակներից, պետք է դրանք անվճար հատանան, և անգամ այն դեպքում, եթե դրանց վրա արդեն հաստատվել են մուհաջիրները, այսինքն՝ Կովկասից ու Բալկաններից եկած մահմեդական գաղթականները: Այսպիսով ազդարարում էին, որ բացի գյուղացիներից, իրենց կալվածքները պետք է հատանան նաև վանքերն ու եկեղեցիները⁵:

Իշխանության գլուխ անցնելուց հետո, մասսաների մեջ իրենց դիրքերն ամրապնդելու և հեղինակություն ձեռք բերելու համար, իթթիհատականները որոշ տեղերում նպաստեցին այն բանին, որ հայերը կարողանան հատել իրենց կորցրած հողերը: 1908—1910 թթ. նրանք վերագործին իրենց հանգակները Բուլանըխի գավառում, Մուշի գաղտում, Բիթլիսի շրջանում, Վանի վիլայեթում, հատկապես Աղջեհաղում ու Արճեղում, իսկ իրենց իրենց հանգակները և այլն: 1908 թ. սեպտեմբերին ականատեսներից մեկը գրում էր. «Հայերու պատկանող հողերու վրա բնակվող քյուրտերն հետզհետե կհեռացվին իրենց տեղերեն, որովհետե բուն տերերն եղող հայերն եկած են Կովկասեն և այժմ կվերագործեն իրենց նախկին բնակավայրերը»⁶:

1910 թ. հունիսին Բ. Քեչյանը նշում էր, որ հայրենիք վերագործած հայ գաղթականներին մաս մը տիրացավ իր հողերուն⁷:

Նույն թվականի աշնանը «Հորիզոնի» թղթակիցը գրում էր, թե Բիթլիսի, Մուշի և Սղերդի գավառներում ժամանում էր հայաթուրքի պետք է ասել, որ հայերը... հատանան իրենց բնակավայրերը հողերը⁸:

Բայց երիտասարդ թուրքերը, մասնակի զիջումներ կատարելով հայ գյուղացիությանը, աշխատեցին սնխախտ պահել աղայական հողատիրությունը: 1908 թ. սեպտեմբերին իրենց ծրագրում նրանք հայտարարեցին, թե գյուղացիներին հողով բավարարելը պետք է կատարել պետական վարկեր բաց թողնելու ճանապարհով, սակայն պետք է այնպես անել, որ չխախտվեն խոշոր հողատերերի իրավունքները⁹: Վարկի գումարը սկզբում նախատեսվում էր 60000 ոսկի կամ 5000000 ղուրուշ, իսկ 1912 թ. բարձրացվեց 100000 ոսկու¹⁰: Հայերը այս գումարով պետք է փրկագներին իրենց հանգակները կամ ձեռք բե-

⁴ «Ազատամարտ», նույն տեղում:

⁵ Թուսաստանի արտաքին քաղաքականության արխիվ (ՌԱՔԱ), ֆ. «Քաղաքախիվ», 1907, գ. 1643, թթ. 239—243:

⁶ «Բյուզանդիոն», 1908, 6 սեպտեմբեր:

⁷ Նույն տեղում, 1910, № 4149:

⁸ «Հորիզոն», 1910, № 215:

⁹ ՍՍՀՄ կենտրոնական պետական ռազմա-սպասարկության արխիվ (Հետազայում՝ ԿՊՌՊԱ), ֆ. 2000, գ. 6849, թ. 88:

¹⁰ Վրացական ՍՍՀ ԿՊՊԱ, ֆ. 71, գ. 39, թ. 33: «Բյուզանդիոն», 1910, № 4202, 1912, № 4834, 4724:

րեին նոր հողամասեր, իսկ հետո ստացած վարկը մաս առ մաս վերադարձնեին պետությանը¹¹։ Սակայն տեսնելով, որ աղաներն ու մահմեդական գյուղացիները չեն ուզում վաճառել որևէ հողամաս, իթթիհատականները որոշեցին այդ չնչին գումարը բաշխել հայերին և դրանով փակել նրանց հողային հաշիվները։ Նրանք ենթադրում էին, որ այդ գումարը հետո կհավաքեն աղաներից ու մահմեդական գյուղացիներից և կվերադարձնեն պետական միջոցները։

Բայց հայերը չէին ուզում փողային հատուցում, նրանք ուզում էին իրենց հողերը, որպեսզի շարունակեն զբաղվել սիրած երկրագործությամբ։ Բախվելով հայոց համառ դիմադրությանը, երիտթուրքերը բռնեցին խաբեբայության ճանապարհը։ Նրանք սկսեցին հրատարակել մի շարք օրենքներ, որոնցով փողի հետ միասին խոստանում էին նաև հող, բայց այնպիսի պայմաններ էին առաջարկում, որոնք հաղիվ թե կարողանային ընդունելի լինել հայերի համար։ Այսպես. օրենքներից մեկով սահմանում էին, թե այն հայերը, որոնք լքել են իրենց հողամասերը կամ զիջել դրանք պարտքի փոխարեն, այլևս իրավունք չունեն հող պահանջելու, լավագույն դեպքում կարող են ստանալ գինը։ Եթե նրանց հողերի վրա կալվածել են մուհաջիրների գյուղեր, ապա չի կարելի ցրել այդ գյուղերը։ Հայերը կարող են պահանջել իրենց հողերի արժեքը, այն էլ նոր գներով, անհամաձայնության դեպքում կարող են դիմել դատարան¹²։

Ակնհայտ է, որ այս օրենքով իթթիհատականները ձգտում էին հայերին պրկել իրենց թանկարժեք հանգանքներից, կա՛մ չնչին հատուցում տալով, կա՛մ ոչինչ չտալով։

Մի այլ օրենքով երիտասարդ թուրքերը արգելում էին ձեռք տալ նրան, ով հայոց հողերի վրա տուն ու տնո էր կառուցել կամ վերանորոգել ավերակը, ով ցանք էր կատարել կամ հաստատվել կառավարության թողտվությամբ։ Այդպիսի դեպքերում հայերին առաջարկում էին դրամական հատուցում կամ նոր վալեր։ Շահմաձայնողը կարող էր դիմել դատարան։ Վարձակալը իրավունք չունի հող պահանջելու աղաներից ու բեյերից։ Բայց եթե վերջիններս հալածատակել են նրա հանգստի կամ ապա իշխանությունները պարտավոր են քննել վեճն ըստ էության։ Դատարանի որոշումից դժգոհողները կարող են դիմել պետական խոհուրդ, բայց միայն այն դեպքում, երբ իրենց իրավացիությունը կհաստատեն լրացուցիչ փաստաթղթերով¹³։ Բողոքարկման համար սահման-

¹¹ Այս առթիվ պետք է վերհիշել հետևյալը. 1890-ական թթ. կոտորածների ժամանակ տասնյակ հազարավոր հայեր փախան Ռուսաստան և փրկություն գտան Անդրկովկասում։ Կոտորածներից հետո նրանք ցանկացան վերադառնալ հայրենիք։ Բայց Արդու Համիդը չթույլատրեց։ Նրբ դործին միջամտեց Նիկոլայ II-ը և պահանջեց ընդունել փախստականներին, սուլթանը խոստացավ նրան տալ 160000 թուրքական լիրա՝ իրեն այդ հայերի ունեցվածքի գին և խնդրեց դրանց թողնել Անդրկովկասում, կամ ավելի շուտ արտաքսել Սիբիր (ՌԱՔԱ, ֆ. թուրքական նոր սեղան, 1899—1907, գ. 2479, թ. 228)։ Երիտասարդ թուրքերը հողագործի հայերին 100000 լիրա առաջարկելով, ըստ երևույթի ուզում էին լուծել հայոց հողային խնդիրը այնպես, ինչպես Արդու Համիդն էր ուզում, միայն այն տարրերով, որ սրանք ավելի քիչ գումար էին առաջարկում, քան սուլթանը։

¹² Երիտասարդ թուրքերը որքան շատ էին տարվում իրենց շոփինիստական քաղաքականությամբ, այնքան հաստատ էին կանգնում այդ որոշման վրա։ 1914 թ. Շահալլը գրում էր, թե կառավարությունը Կ. Պոլսում աորոշած է ամեն դեպքում պայքարել հայոց հողատիրության դեմ, բոլոր բռնադրամները նվիրագործելու համար որոշած է հողային խնդիրը կարգադրել այնպիսի եղանակով մը, որ հայոց դրամական հատուցում ըլլա, իսկ հողերը մնան իսլամներու և թուրքերու ձեռքը» («Մշակ», 1914, № 156)։

¹³ «Բյուզանդիոն», 1910, 7 հունիսի։

վում էր որոշակի ժամկետ, որից հետո դիմումները չէին ընդունվում: Իշխանություններն իրենց որոշումները կենսագործում էին ոստիկանության միջոցով, որը տարբեր ձևերով պատժում էր անհնազանդներին¹⁴: Մի խոսքով իթթիհատականները ձգտում էին անխախտ թողնել ստեղծված իրավիճակը և ստիպել հայերին՝ ընդմիշտ հրաժարվելու իրենց հողային պահանջներից:

Հասկանալով և արհամարհելով երկրի նոր տերերի խաղերն ու դավերը, հայ գյուղացիները պահանջեցին վարչական կարգով լուծել ագրարային խնդիրը, այսինքն՝ հողերը բոնությամբ վերցնել աղաներից ու բեյերից և վերադարձնել տերերին: Նրանց այս պահանջը, անշուշտ, համընկնում էր նաև Արևմտյան Հայաստանի ամբողջ գյուղացիության շահերին և դրա համար կարող էր պաշտպանություն գտնել բոլորի կողմից: Եվ հրիտասարդ թուրքերը, իբր թե արտահայտելով գյուղի աշխատավորության պահանջները, առաջարկեցին տեղական իշխանություններին վարչական միջամտություն ցուցաբերել հողային վեճերին: Սակայն դրա հետ մեկտեղ հանձնարարեցին հաշվի առնել հետևյալ հանգամանքները. 1) Եթե վիճող կողմերը կներկայացնեն հավասարազոր փաստաթղթեր միևնույն հողամասի համար, ասպա նրանց գործը քննել դատարանում: 2) Եթե կողմերից մեկը ունի փաստաթուղթ, իսկ մյուսը չունի, ապա հողամասը տալ ունեցողին, իսկ չունեցողին առաջարկել դիմել դատարան: 3) Եթե երկու կողմն էլ չունեն փաստաթուղթ, ապա հողամասը թողնել նրան, ով դրա համար արդեն տուրք է վճարում: 4) Այն հողամասերը, որոնք բռնագրավված են 1908 թ. անմիջապես հետո, անհապաղ, առանց դատարանի վերադարձնել տերերին: 5) Խուսափել Համիդի կառավարման տարիներին առաջացած հողային վեճերի քննարկումներից¹⁵: Հասկանալի է, որ իթթիհատականները ձգտում էին մի կողմից օրինականացնել աղաների բռնագրավումները, իսկ մյուս կողմից՝ նրանց վերադարձնել անգամ այն հանդակները, որոնք գյուղացիները ետ էին խլել հեղափոխական ընդվզումների օրերին: Ինչ վերաբերում է փաստաթղթերին, որոնց մասին ակնարկում էին նոր կառավարիչները, ասպա համոզված էին, որ աղաները անսպաժան կունենան դրանք, իսկ եթե չունենան, դժվար չէր ձեռք բերել, քանի որ դատավորների վրա ունեցած ազդեցությամբ կարող էին գործը վճռել տալ իրենց օգտին:

1913 թ. իթթիհատականները հրատարակեցին հողային նոր օրենքներ, որոնցով ծրագրում էին գրանցել հանդակները իրենց տերերի անուններով, այսինքն՝ իրավական ձևակերպման ենթարկել փաստացի գոյություն ունեցող վիճակը, լայնացնել պետական ու վակֆային հողերը գրավ դնելու հնարավորությունները, կենսագործել հիպոտեկային սիստեմը, ընդարձակել ժառանգողների շրջանակները և այլն¹⁶: Նրանք նախատեսում էին 1914 թ. Գ. Պոլիս հրավիրել Ֆրանսիայի կադաստրների վարչության երբեմնի նախագահ Մ. Լակրելին, օգտագործել նրա հմտությունն ու դիտելիքները, անցկացնել Արևմտյան Հայաստանում հողային տիրույթների սահմանադատումներ և դրանով լուծել ագրարային կնճիռը¹⁷: Սակայն երկրի ներքին ու արտաքին վիճակը, մի կողմից, վրա հասնող առաջին համաշխարհային պատերազմը, մյուս կողմից, խանգարեցին իրագործելու այս մտահղացումները:

¹⁴ Նույն տեղում, 1913, № 5026:

¹⁵ Նույն տեղում, 1912, № 4745, 4753:

¹⁶ X. Յ. Գաբդուլլին, Младотурецкая революция. М., 1937, էջ 134:

¹⁷ «Հորիզոն», 1914, № 79:

Վերը հիշատակված օրենքներից պատ երիտասարդ թուրքերը հրատարակեցին նաև մի շարք նախագծեր հատկապես գյուղացիական այն հողերի մասին, որոնց տերերը փախել էին համիդյան ջարդերից և միայն հեղափոխությունից հետո վերադարձել հայրենիք: Նախագծերից մեկով նրանք այդ գյուղացիներին բաժանում էին երեք կարգի. 1) ուլքեր դուրս են եկած օսմանյան հպատակությունից իրենց կամքով, 2) ուլքեր դուրս են գրված այդ հպատակությունից համիդյան իշխանությունների կողմից և 3) ուլքեր արտագաղթել կամ փախել են, բայց իրավապես դեռ շարունակում են մնալ թուրքական քաղաքացիներ: Ապա սահմանվում էր, որ առաջին կարգի գյուղացիները իրավունք չունեն պահանջելու իրենց հողերը, իսկ երկրորդ և երրորդ կարգի գյուղացիները՝ կորոզ են պահանջել. բայց կստանան դրանք միայն այն դեպքում, եթե ներկայացնեն համապատասխան փաստաթուղթ՝ թափու: Ընդ որում, եթե նոր տերերը վերադարձող հայերի հողերի վրա կառուցել են տներ, ապա պահանջատերերը պարտավոր են վճարել դրանց արժեքը, բայց եթե կառուցել են դործարաններ, ջրանցքներ ու թանկարժեք այլ շինություններ, այսինքն՝ այնպիսի շինություններ, որոնք ավելի արժեն, քան հողերը, ապա նոր տերերը կարող են մերժել վերադարձուների պահանջները և առաջարկել նրանց հողի գինը՝ նախագիծը մերժում էր հայերին հող տալ նաև այն դեպքում, եթե նրանց հանդակները կառավարության որոշումով տրվել են մուհաջիրներին, եթե արտագաղթելիս հայերը իրենց հողամասերը թողել են հարապատներին և այլն: Վերջում սահմանվում էր, որ դժոհություն գեպքում վերադարձողները կարող են հիմնել դատարան¹⁸:

Ինքնըստինքյան հասկանալի է, որ այս նախագիծը դարձյալ բխում էր աղաների ու մահմեդական բնակչության շահերից և նպատակ ուներ ոտնահարել հայ աշխատավոր գյուղացիության իրավունքները: Աղաներն ու մուհաջիրները դանադան եղանակներով կարող էին ապացուցել իրենց կառույցների մեծարժեք լինելը, բացի այդ, հայ շինականները համիդյան յաթաղանից փախչելիս կորցրել էին թափուները:

Երիտասարդ թուրքերը ծրագրում էին նաև հավաքել հողագյուղի ու սակավահող հայերին, տեղափոխել Արևմտյան Հայաստանից և բնակեցնել նրանց Սիջադետքի խամ ու խոսպան վայրերում: Իրենց այս պլանը նրանք փորձում էին արդարացնել նրանով, թե ուզում են պահպանել Արևմտյան Հայաստանում բնակչության խաղաղությունը, որպեսզի քրդերի, ավելի ճիշտ՝ քուրդ աղաների ու հայերի միջև թափուության ու թշնամության ոգի չծնի¹⁹: 1911 թ. Թուրքիայի եպարքոս Հակկբ փաշան օսմանյան դահլիճում ուղղակի հայտարարեց. «Հողագյուղի հայերին կարելի է հող տալ ուրիշ վիլայեթներում մեջ, մանավանդ Սիջադետքի արգավանդ դաշտերուն վրա»²⁰:

Նոր կառավարիչները ստեղծում էին նաև հողային պանաղան հանձնաժողովներ: Ընդ որում այդ հանձնաժողովները ստեղծում էին բարձրաստիճան պաշտոնյաների նախադասությամբ և մահմեդական ու քրիստոնյա երեկիներու մասնակցությամբ: Իսկ գյուղացիները, որոնք ավելի շատ էին շահազրու-

18 «Բուլղանդիոն», 1911, 5. Դունվարի «Աղատամարտ», 1911, № 483:

19 «Բուլղանդիոն», 1910, № 4235:

20 Նույն տեղում, 1914, № 5261:

ղբում Զոդային խնդրի լուծումով, սովորաբար անտեսվում էին: Երիտասարդ թուրքերը Զոդային հանձնաժողովներ էին ստեղծում նաև Արևմտյան Հայաստանի առանձին վիլայեթներում: Նրանք իբրև նախագահ հաճախ նշանակում էին կուսակալին, իսկ անդամներ՝ դարձյալ տեղի մահմեդական ու քրիստոնյա երեւելիներին: Բայց այս հանձնաժողովները ևս կամ ձեական նշանակություն ունեին, կամ գործնական քայլ կատարելիս աշխատում էին պաշտպանել աղաների ու մահմեդական բնակչության շահերը, օրինականացնել նրանց ապօրինի հափշտակումները:

Ինքնըստինքյան հասկանալի է, որ ձեականորեն աշխատելով Արևմտյան Հայաստանում Զոդային հարցի լուծման օգտին, երիտասարդ թուրքերը փաստորեն ցանկանում էին ոչ թե լուծել այն, այլ խաբել ժողովրդական մասսաներին, հատկապես հայ գյուղացիությունը: Նրանք ձգտում էին ղանաղան խոստումներով ու քաջքուկներով մեծցնել Զոդի աշխատավորների մեջ եղած հեղափոխական եռանդը, թմբեցնել ու ջլատել նրանց ուժերը և միավորվելով ետադիմական տարրերի հետ, վավերացնել նախկին ռեժիմի օրոք ստեղծված իրավիճակը: Հեղափոխությունից շատ շանցած նրանք սկսեցին բացարձակորեն պաշտպանել աղաների ու բեյերի հողատիրությունը, մահմեդական գյուղացիության շահերը վեր դասել հայ շինականների շահերից և սրել մահմեդական և հայ գյուղացիների միջև եղած բախումները: Վանի կուսակալ Բեքիր Սամի Բեյը, որը հանդիսանում էր նոր կառավարության ագրարային քաղաքականության կենսագործողներից մեկը, 1910 թ. ռուսական փոխհյուպատոս Օլֆերիկի հետ զրուցելիս նշում էր, թե հայերը ուզում են Զոդային հարցը վճռել իրենց օգտին և, զրպարտելով նրանց, ավելացնում էր, թե իրենց պահանջներով նրանք այնքան հեռու են գնում, որ քիչ է մնում քրդերից խլեն բոլոր հողերը: Ապա եզրափակում էր. «Ինչ հնարավոր էր դեռ երեկ, այսօր դարձել է անհնարին ու սխալ»²¹, եվ երիտասարդ թուրքերը սկսեցին ուղղել իրենց սխալը: Հատկապես 1910 թ. հետո շարունակեցին բռնագրավել հայոց կալվածքները: Նրանք այդ բանը կատարում էին տարբեր ճանապարհներով: Մի դեպքում պատճառաբանում էին, թե գյուղացիները շատ հող ունեն²²: Մի այլ դեպքում հայտարարում էին, թե պետականացվող հողը մահչուլ է (այսինքն անտեր է): Այս բանը նրանք կատարում էին հատկապես այն ժամանակ, երբ գյուղացիների մեջ վեճ էր գնում որևէ հողամասի համար: 1912 թ. հնուսում կայմական պետական հայտարարեց այն հողերը, որոնք քրդերը դեռ սահմանադրությունից առաջ զավթել էին հայերից, իսկ սահմանադրությունից հետո հրաժարվում էին վերագրված տերերին²³: Այդ նույն թվականին Սասունում գավառապետը պետականացրեց այն հանդակները, որոնց համար վիճում էին հայկական Շենքե և Կելիկուղան գյուղերը: Բնորոշ է, որ իշխանությունները գյուղացիական հողերը բռնագրավելուց հետո դրանք աճուրդի էին հանում²⁴:

Սակայն ավելի հաճախ իթթիհատականները գյուղացիական հողերը բռնագրավում էին երկրագործական դամարկլի միջոցով: Հայտնի է, որ դեռ Աբդուլ Համիդի իշխանության տարիներին բաղմաթիվ շինականներ, հնարա-

21 Վրացական ՍՍՀ ԿՊՊԱ, ֆ. 521, ցուց. 2, գ. 492, թ. 32:

22 «Հորիզոն», 1911, № 158:

23 ԻԱԲԱ, ֆ. «Քաղաքիիվ», 1912—1914, ցուց. 483, գ. 1646, թ. 15:

24 «Աղատամարտ», 1914, № 1533:

վորություն չունենալով վճարել պետական հարկերը և վաշխառուական պարտքերը, ստիպված էին փող վերցնել այդ դրամարկղից և գրավ դնել իրենց հողահանգակները: Հեղափոխությունից հետո նոր կառավարիչները չվերադարձրին նրանց հողերը, այլ վաճառեցին²⁵: Այս շարունակեցին շնչին գումարներով վարկավորել շինականներին, բռնագրավել նրանց թանկարժեք հանգակները և աճուրդի հանել: Հայ գյուղացիները չէին համարձակվում մասնակցել այդ աճուրդին, քանի որ գնողները մեծ մասամբ աղաներն ու բեյերն էին: Նրիտասարդ թուրքերը միայն մեկ տարվա ընթացքում (1911—1912) վարկ տվին Էրզրումի վիլայեթում՝ 3403 հազ. դուրուշ, Բիթլիսի վիլայեթում՝ 216 հազ., Դիարբեքիի վիլայեթում՝ 1752 հազ., Սըվադի վիլայեթում՝ 4611 հազ., Խարբեքիի վիլայեթում՝ 1643 հազ. և, վերջապես, Վանի վիլայեթում՝ 137 հազ.²⁶ Ընդ որում՝ նրանք վարկավորում էին գյուղացիական տնտեսություններին, մեծ մասամբ հողամասերը գրավ դնելու պայմանով: Այսպես՝ նույն թվականին Արևմտյան Հայաստանի վեց վիլայեթներում իշխանությունները վարկ են տվել 11274 հոգու, որից 9513-ին՝ հուլիսին գրավ դնելու պայմանով, իսկ 1761-ին՝ փոխադարձ երաշխավորությամբ²⁷:

Իթթիհատականները հայ գյուղացիների հողերի հետ միասին բռնագրավում էին նաև հայերի վանական և եկեղեցական հանգակները²⁸, նրանք կամ ուղղակի համալրում էին այդ հանգակները, կամ պետականացնում՝ մասշտաբային հայտարարելով, այսինքն՝ չէին համարում օրինական տերեր այն անձանց, որոնց անունով գրանցված էին դրանք²⁹: Նրիտասարդ թուրքերը համալրում էին հայոց վանական կալվածքները նաև այն պատրվակով, որ իբրև հոգևորականները տարիներ շարունակ չեն վճարել պետական տուրքերը: Նրանք փորձում էին պետականացնել անգամ այնպիսի վանական հողեր, որոնք կառավարական ֆերմաններով ադատված էին տուրքերից³⁰, Կ. Պոլսի հայոց պատրիարքը մի քանի անգամ բողոքեց իթթիհատականների այդ վարքագծի դեմ: Բայց վերջիններիս զանց էին առնում այդ բողոքները: Ավելին՝ հաճախ փորձում էին իրենց համալրումները հիմնավորել այն պարտաշային հայտարարություններով, թե այդ հողերի վրա հայկական վանքերից ու եկեղեցիներից առաջ կառուցված են եղել մահմեդական մզկիթներ³¹:

Իրերի նման պայմաններում արևմտահայ գյուղացին հեղափոխությունից հետո էլ մնաց հողազուրկ ու սակավահող:

* * *

Փորձելով ամրապնդել իրենց դիրքերը ժողովրդական մասսաների մեջ, իթթիհատականները հեղափոխությունից հետո ձերբակալեցին քրդական որոշ աղաների ու բեյերի, հատկապես նրանց, որոնք տասնյակ տարիներ կեղեքել ու կոտորել էին ոչ միայն հայ, այլև բուրդ շինականներին: 1908 թ. կալանավորեցին Քոռ Հյուսիսին փաշային և Շաբիր աղային, իսկ 1909 թ. ամռանն ու աշ-

²⁵ «Բյուզանդիոն», 1908, 13 նոյեմբերի:

²⁶ «Ազատամարտ», 1912, № 1539 (թվերը ամբողջացնում ենք.—Ա. Հ.):

²⁷ Նույն տեղում:

²⁸ «Մշակ», 1912, № 130:

²⁹ «Եփրատ», 1914, № 4, էջ 116—117:

³⁰ «Մշակ», 1912, № 138:

³¹ Նույն տեղում, № 97: «Բյուզանդիոն», 1913, № 5066:

նանը՝ Սեհիդ-Ալիին, Կուլի Մեհմեդ-Սըզըքին, Հասան աղա Սալախանին, Մուս-
թաֆա բեյին, Աղա բեյին, Գուլի խանին, շեյխ Սալիհ-բեյին, Ռեզա աղային և
ուրիշներին³²։ Նրանք ձերբակալվածներից ոմանց արտաքսեցին այլ վայրեր,
մասնավորապես՝ Հալեպի վիլայեթը, ոմանց բախտը դեռ թողեցին անորոշ, իսկ
ոմանց էլ մասսաների պահանջի ճնշման տակ ենթարկեցին հրապարակային
անարդանքի։ 1909 թ. աշնանը Բալուում հայտնի մարդասպան Քեշիշի վիլայե-
թային «Մարդասպանի վիճակն այս է» գրությունը և «կալանավորված վի-
ճակի մեջ փողոցն փողոց պատցնելով բանտ ենտեցին»։ Ականատեսներից մե-
կը հաղորդում էր, թե ժողովուրդը ուրախանալով դրանով, պահանջում էր
պատժել ոճրագործին։ «Ընդհանուրի փափաքն է, որ հօրինակ այլոց այս ճիւղ-
ը կախաղան հանվի»³³։ Նոր կառավարիչները անգամ մահապատժի ենթար-
կեցին որոշ աղաների, որոնք դարձել էին լիակատար չարիք ոչ միայն բնակ-
չության, այլև տեղական իշխանությունների համար։ 1913 թ. սպանեցին Շա-
տախի ու Նորդուղի հայտնի ավերիչներ Շաքիր աղային, Միր Մհերին, Սեհիդ բե-
կին և այլոց³⁴։

Սակայն երիտասարդ թուրքերի ընդհանուր քաղաքականության մեջ այս
միջոցառումները մասնակի բնույթ ունեին։ Իսկ որպես կանոն նրանք կանգնե-
ցին քրդական ալանների շահերի պաշտպանության դիրքերում, դարձրին սրանց
իրենց հենարաններ և նրանց բռնեցքն ուղղեցին տեղական ժողովուրդների
ազգային ու սոցիալական շարժումների դեմ։ Իթթիհատականները շուտով ա-
դատեցին ձերբակալվածներին, իսկ արտաքսվածներին ետ վերադարձրին։
Նրանք անխախտ պահեցին աղաների ու բեյերի հողային ֆեոդալական սեփա-
կանությունը։ Դրա հետևանքով կանգուն մնացին խիզանում Սեհիդ-Ալիի, Շամ-
դինանում՝ Մեհմեդ Սըզըքի, Ալշավաղում՝ Քոռ Հյուսեին փաշայի, Արճեշում՝
Էմին փաշայի, էրումում՝ Մեհմեդ էմինի, Զխուրում՝ Մուսա և Կասըմ բեյերի,
Աղևդում՝ Բշարե Զաթոյի, Աբաղայի դաշտում՝ Հյուսեին աղայի, Բերկրիում՝
Կուփ Մեհմեդ և Մուսթաֆա բեյերի, Դերսիմում՝ Տիապ աղայի, Զարսանջակում՝
Օսման ու Իսահ բեկերի, Կարահիսարում՝ Ալիշան-զադեի և շատ ու շատ ուրիշ
տիրակալների լայնածավալ կալվածքները։

Իթթիհատականները օգնեցին քրդական աղաներին օրինականացնելու ի-
րենց հողային բնապրավումները և թափու տվին համարյա բոլոր նրանց, ով-
քեր չունեին այն։ Բողոքի դեպքում գյուղացիներին ուղարկում էին դատարան,
որտեղ նրանք անվոր էին պաշտպանելու իրենց իրավունքները։ Աղաները իրենց
ապօրինի բռնագրավումները արդարացնելու համար գործադրում էին իրենց
քաղաքական ավելցուկները և տնտեսական հնարավորությունները։ 1910 թ.
ականատեսներից մեկը գրում էր. «Դրամի ուժով փաստաբաններ կբռնեն և ի-
րենց անիրավ գործողություններն օրինավորությունը պաշտպանել կուտան-
մինչ խեղճ գյուղացին իր արդար դատը պաշտպանելու միջոց չունի, ոչ լեզու
ունի, որ իր դատը պաշտպանե և ոչ ալ դրամ ունի, որ փաստաբան վարձե-
կալվածներ կան, որոնց վրա ոչ մեկ իրավունք կրնան հաստատել այդ աղանե-
րը, ընդհակառակը, անոնք արձանագրված են իրենց բուն տերերուն, հայ գյու-

³² ԹԱՔԱ, ֆ. «Քաղաքիսիվ», 1908, ցուց. 482, գ. 1644, թ. 83, գ. 716, թ. 135, 1909, գ. 543, թ. 51. ՍՍՀՄ ԿՊՌՊԱ, ֆ. 2000, գ. 6948, թթ. 234—235, 245, 307, 324, 330։

³³ «Բյուզանդիոն», 1909, 21 դեկտեմբերի։

³⁴ «Հորիզոն», 1914, № 158, 1913, № 229։

ղացիներու անունով, որք թափու ալ ունին, բայց կառավարությունը չուզեց ցանոնք խլել և հանձնել իրենց ճշմարիտ տերերուն: Երբ այս կարգի հողերն իսկ չեն կրնար խլվել, ո՞ր կմնա հտ առնել այն հողերը, որոնք գոնե կերպով մը փոխանցված են աղաներուն անվան»³⁵:

Երիտասարդ թուրքերը խրախուսում էին քրդական աղաներին՝ շարունակել գյուղացիների, հատկապես հայ շինականների հողերի բռնագրավումները: Ոգտվելով կառավարության պաշտպանությունից ու հովանավորումից, աղաները շարունակեցին բռնագրավել շինականների հողերն ու ընդարձակել իրենց կավածքները: Նրանց հափշտակումները մասսայական բնույթ ընդունեցին հատկապես 1910 թ. հետո, երբ իթթիհատականները ավելի սլարդ դրսևորեցին իրենց հակահայկական նկրտումները: Քրդական աղաները Գավաշում հայ գյուղացիներին առաջարկեցին զնալ դատարան և հայտարարել, որ իրենց հանդակները պատկանում են աղաներին: Երբ գյուղացիները հրաժարվեցին, ուստիկանության միջոցով նրանց դատարան քշեցին³⁶: Խնուսում ու Դերջանում հայ շինականներին արդելեցին օգտվելու իրենց հողամասերից, իսկ երբ գյուղացիները փորձեցին չենթարկվել և շարունակեցին վարել իրենց հողամասերը, հարձակվեցին նրանց վրա, թալանեցին շարժական ունեցվածքը ու ծեծեցին³⁷: Բուլանքիսում կոտորեցին Խասմիկ, Լաթար, Կոփ գյուղերի բնակիչներին, թալանեցին նրանց ունեցվածքը և վավթեցին հողերը, ապա ներխուժեցին Լսոնք գյուղը և պահանջեցին 10000 ոսկու արժողությամբ արոտավայրերն ու անտառները³⁸: Խուսում հայ գյուղացիներին առաջարկեցին հանձնել իրենց հանդակները, այլապես սպառնում էին բռնություն գործադրել: Հայերը իրենց կյանքը փրկելու համար կատարեցին նրանց պահանջը: Աղաները նման առաջարկություն ներկայացրին նաև Էրուս, Սարը-սու գավառների, ինչպես և Մուշի դաշտի Ավդուտ, Գենձիկ, Ավնա և այլ գյուղերի բնակիչներին և հասան իրենց նսլատակին: Հայերը տեղափոխվեցին Թաթիկ նահիեն, մտադրվելով հետո անցնել Ռուսաստան³⁹: Խոշաբում աղաները, մարսելով Սալախանե հայոց աղգային կավածքը, անցան Կասրը գյուղը և արգելեցին բնակիչներին մշակել հողամասերը, հայտարարելով, որ դրանք արդեն իրենց են պատկանում⁴⁰: Իթթիսում բռնագրավեցին Մեդեթաղ գյուղի վարելահողերը և չբավարարվելով դրանով, ձգտում էին հափշտակել նաև անտառները, արոտավայրերն ու ջրաղացները⁴¹, իսկ Սասունի Շենքը գյուղում ուղում էին սեփականացնել ողջ հողերը, թողնելով բնակիչներին «միայն գյուղին շրջակա աննշան տեղերը»⁴²: Մղերդում բռնագրավեցին Շաթո և Թաիբ գյուղերի հողերը, որոնց բնակիչները բավմաթիվ այլ գյուղացիների նման իրենց հանդակները ձեռնարկել էին թափուով և երբեք հողային վեճեր չէին ունեցել որևէ տիրակալի հետ⁴³:

35 «Հորիզոն», 1910, № 60:

36 Նույն տեղում, № 46:

37 ՌԱՔԱ, ֆ. «Դեսպանությունը Կ. Պոլսում», 1911, դ. 2688, թթ. 75—76, ֆ. «Քաղաք-խիվ», 1911, գ. 1647, թ. 102:

38 «Հորիզոն», 1911, № 158, 1912, № 131:

39 «Բյուզանդիոն», 1913, № 4940: ՌԱՔԱ, ֆ. «Քաղաքիսիվ», 1914, գ. 546, թթ. 131—133:

40 «Աղաամարտ», 1914, № 1563:

41 «Արարատ», 1914, № 413:

42 «Հորիզոն», 1913, № 180:

43 «Բյուզանդիոն», 1914, № 5266:

Քրդական աղաները հափշտակեցին նաև մի շարք այլ գյուղերի և առանձին գյուղացիների հանդակները: Նրանք տեղ-տեղ սկսեցին խլել նույնիսկ այն հողերը, որոնք գյուղացիները սահմանադրությունից հետո կարողացել էին ետ վերադարձնել: 1913 թ. «Աշխատանքի» թղթակիցը գրում էր. «Քյուրտ տերես-սիյուլթյունը չէր ունեցած ավելի սլատեհ առիթ մը ուժգնորեն և վճռականորեն տիրապետելու իրենց բռնադրաված հողերը, քան այս տարին. շատերը նույնիսկ կառավարության աշառու քաղաքականութենեն նսլաստավորվելով ձեռք դարկին վերստին գրավելու այն հողերը, որոնք վերջին սահմանադրական չորս տարիներու մեջ իրենցմե ետ առնված էին. այսպիսի դեպքեր տեղի ունեցած են ավելի Շատալի, Կարճկանի և Ալջավաղի շրջաններուն մեջ»⁴⁵: Աղաները ետ խլեցին գյուղացիների վերադարձրած հողերը նաև խութում ու երկրի այլ վայրերում⁴⁶:

Քրդական բեյերը չբավարարվեցին հայկական հողերի սոսկ հափշտակումներով: Նրանք սկսեցին արտաքսել նաև այն գյուղացիներին, որոնք հաստատված էին իրենց հողերի վրա և իբրև մարաբաներ մշակում էին դրանք: Նրանք վախենում էին, թե օգտվելով հարմար առիթից, հայերը կարող են զավթել իրենց հանդակները: Ուշագրավ է, որ աղաները այդ քայլին դիմեցին հեղափոխությունից անմիջապես հետո: 1908—1909 թթ. Չարսանչակում և Սիլվանու:⁴⁷ Նրանք մարաբաններին առաջարկեցին հեռանալ իրենց կալվածքներից⁴⁸: Սակայն վստահ չլինելով իշխանությունների պաշտպանության վրա և երկյուղ կրելով գյուղացիական զանգվածների հեղափոխական տրամադրություններից, որոնք տակավին բարձր էին և բռնկվում էին սլատեհ առիթով, ետ քաշվեցին առաջարկություններից և առժամանակ բավարարվեցին միայն ֆեոդալական պարտավորությունների ընդլայնումով: 1909 թ. Սիլվանում գյուղացիներին առաջարկեցին վճարել բերքի ոչ թե 1/15-ը, ինչպես առաջ էր, այլ 1/8-ը՝ այսինքն՝ նախկինի համարյա կրկնակին⁴⁹:

Բայց սկսած 1910 թ. աղաները վճռականորեն արտաքսեցին հայերին իրենց կալվածքներից և նրանց փոխարինեցին քուրդ կամ այլազգի մահմեդական հողագործներով: 1910 թ. նրանք հայ շինականներին վտարեցին Բիթլիսի սանջակի Կուրվա գյուղից և նրանց տեղը բնակեցրին քրդերի: Ականատեսը գրում էր. «Սրտածմիկ տեսարան մըն էր, որ պարզվեցավ: Հայ գյուղացիները իրենց սերունդներու արյունով ու քրտինքով ոռոգված հողերու վրա փովեցան սլառեցին, խնդրելով ձիավոր դորքին, որ նախ ձիերու սմբակներու տակ զիբենք կոխկոտեն, ապա ուրիշներուն հանձնեն հողերը»⁴⁹:

Աղաները 1911 թ. հայերին արտաքսեցին իրենց կալվածքներից նաև Վանի վիլայեթի Զեյնիս գյուղում: Նրանք շտապեցին դիմել այդ քայլին մանավանդ

⁴⁵ 1911 թ., երբ քուրդ երեսփոխան Թահա էֆենդին (որն ընտրված էր Հեթյարի բնակչության կողմից) օսմանյան պառլամենտում հայտարարեց, թե սահմանադրությունից հետո կայսրության արևելյան նահանգներում, այսինքն Արևմտյան Հայաստանում, աղաների կողմից չեն եղել գյուղացիական հողերի բռնադրավման փաստեր, երեսփոխաններ Վահան Փափազյանը, Դեհամ Տեր-Կարապետյանը և Վարդգեսը միաբերան առարկելով նշեցին, որ «Սահմանադրությունն ընդհանուր տեղի ունեցած են բոլոր հողային գրավումներ» («Բյուլանդիոն», 1911, № 4346):

⁴⁶ «Աշխատանք», 1913, № 10—106, էջ 5:

⁴⁷ «Հորիզոն», 1910, № 243:

⁴⁸ «Աղատամարտ», 1909, № 142, 145:

⁴⁹ Նույն տեղում, № 145:

⁵⁰ Նույն տեղում, 1911, № 207:

այն բանից հետո, երբ հայերը հրաժարվեցին ֆեոդալական պարտություններից և ներկայանալով իշխանություններին, սկսեցին ապացուցել, որ հողերն իրենց են պատկանում՝ վտարվածների մի մասը շուտով տեղավորվեց ուրիշ աղաների մոտ, իսկ մյուսը երկար ժամանակ թափառում էր դեռ ու դեռ⁵⁰:

Աղաները 1914 թ. արտաքսեցին հայ շինականներին նաև Ապաղայի դաշտում: Հայերը (թվով 400 տնտեսություն) եկել հաստատվել էին այստեղ նոր-գուղից՝ 1880—1890-ական թթ.: Նրանք փախել էին Շաքիր աղայի ու Միր Մհերի ավազակային կեղեքումներից և, գալով Ապաղա, բնակվել Կուի Մեհմեդի ու այլ բնիկի հանդակների վրա: Հայերը պարտավորվել էին աղաների օգտին կատարել օլամ, վճարել բահրա և անխախտորեն կատարում էին իրենց պարտավորությունները՝ ինչպես մինչև հեղափոխությունը: Բայց 1912 թ., երբ միջազգային դիվանագիտությունը քննարկման խնդիր դարձրեց հայկական հարցը, աղաները, ըստ «Մշակի» թղթակցի վկայության, «կասկածելով, որ հայերն էլ ի մոտո սեփականության խնդիր կարող են առաջ բերել Եվրոպայի քննիչների գալուց հետո, ձեռնարկել են այժմ նրանց դուրս քշելը Ապաղայից և նրանց ձեռքում գտնված հողերը ետ առնել նրանցից»⁵¹: Աղաները հայ գյուղացիներին վտարեցին իրենց կալվածքներից նաև Մոտկանի Մղուկ գյուղում և այլ վայրերում⁵²:

Երիտասարդ թուրքերի հողային քաղաքականությունը որոշ չափով այլ էր բուրգ գյուղացիների նկատմամբ: Հայտնի է, որ Համիդի հայահալած քաղաքականության շնորհիվ քրդերի թիվը Արևմտյան Հայաստանում դեռ հեղափոխությունից առաջ ղգալի չափով աճել էր: Միայն Մոտկանում 16 տարվա ընթացքում (1892—1908) այն 77 տնտեսությունից հասել էր 205 տնտեսության, իսկ հայերին՝ 203 տնտեսությունից իջել էր 169 տնտեսության⁵³: Ներգաղթող բըրդերը հաստատվում էին ինչպես իրենց ցեղապետների նվաճած, նույնպես և արտաքսված հայերի հողերի վրա: Քրդական աղաները, հայկական հանդակները բռնագրավելիս, առիթը պատահած դեպքում հափշտակում էին նաև քուրդ գյուղացիների հողամասերը, հատկապես այն քրդերի, որոնք տակավին աղատ էին մնացել ֆեոդալական կախվածությունից: 1911 թ. Գեղամ Տեր-Կարապետյանը, անդրադառնալով Թուրքիայի արևելյան նահանգների հողային հարցին, մատնանշում էր. «Անարդար գրավումներու դեմ մինակ հայերը չեն, մեր իսլամ հայրենակիցներն ալ կբուլոքեն: Չափ գրավումներու իբրև 60000 օրավար»⁵⁴, Այդ տարածությունը թեև մոտ 17 անգամ փոքր էր հայերից խլած հողային տարածությունից, այնուամենայնիվ ղգալի էր: Գեղամ Տեր-Կարապետյանը, դժբախտաբար, չի նշում, թե այդ հողաշափի ո՞ր մասն էր պատկանում քուրդ գյուղացիությանը, բայց հավանաբար մեծ մասը, քանի որ քրդական աղաները, քաշվելով իշխանություններից, չէին համարձակվում մասսայաբար բռնագրավել թուրք գյուղացիների և Կովկասից ներգաղթած մուհաջիրների հանդակները:

Երբ Երիտասարդ թուրքերը անցան իշխանության գլուխ, մի շարք տեղեքում քուրդ գյուղացիների վրայից վերացրին աղաների լուծը և վերադարձրին

50 «Բյուզանդիոն», 1911, № 4489 և 13 հունիսի:

51 «Մշակ», 1914, № 141:

52 «Բյուզանդիոն», 1912, № 4775:

53 «Աղատամարտ», 1911, № 665:

54 Նույն տեղում, № 489:

ներանցից բռնագրաված հողերը: Միայն Ապաղայի դաշտում նրանք բեկական կախւածութիւնից ազատեցին 57 բրդական գյուղեր և հողերը թափու արեցին «քլուրտերու վրա ձրիապես»⁵⁵: Տեղ-տեղ էլ փորձեցին երկրագործներ դարձնել քուլուր խաշնարածներին: Որչափ իթթիհատականներ փորձում էին այդ նրստակեցումը կատարել դերադանցապես բրդաբնակ շրջաններում՝ հայ երեսփոխանները պառլամենտում պահանջեցին նույն քաղաքականութիւնը վարել նաև հայարնակ վայրերում⁵⁶: Նրանց այս պահանջը թերևս համապատասխանում էր երկու ժողովուրդների շահերին. կարող էր նվազեցնել նրանց միջև եղած թշնամութեան աւիթները և ամրապնդել բարեկամութիւնը: Գաղտնիք չէ, որ վաշկատունները տեղաշարժուելիս ճանապարհին հաճախ ավերում էին հայ շինականների ցանքատարածութիւնները, որի հետևանքով տեղի էին ունենում ծեծկոտուք, մարդասպանութիւն, առաջանում էր ազդամիջյան թշնամութիւն: Սակայն վարելով ժողովուրդների ոչ թե մերձեցման, այլ նրանց տարանջատման քաղաքականութիւն, իթթիհատականները մերժեցին հայ երեսփոխանների պահանջը: Բայց, չնայած որոշ միջոցաւումների, իթթիհատականները, այնուամենայնիւ, բրդական աշխատավոր գյուղացիութեանը հողով չլրավարեցին: Նրանք կամ անտարբերութիւն էին ցուցաբերում հողազուրկ ու սակավահող բրդերի պահանջների նկատմամբ, կամ օգտագործելով նրանց պահանջները՝ սրում էին հայ-բրդական հակասութիւնները: Աղաներից ու բնյերից հողը վերցնելու և այն քուրդ հողագործներին ու անասնապահներին հանձնելու և դրանով բրդական հարցը արմատապես լուծելու փոխարեն, երիտասարդ թուրքերը սկսեցին խրախուսել բրդերին՝ շարունակել հայկական հողերի հափշտակումները: Եւ քուրդ գյուղացիները, ընկնելով նրանց ազդեցութեան տակ, մի շարք վայրերում զավթեցին հայ շինականների հանդակները: 1912 թ. նոյեմբերի 26-ին ուսական դեսպանը Կ. Պոլսից հաղորդում էր, որ Արևմտյան Հայաստանում «ագրարային հարցը օրեցօր սրվում է, հողերի մեծ մասը հափշտակված է քուրդերի կողմից, իսկ իշխանութիւնները ոչ միայն չեն խոչընդոտում, այլ հովանավորում ու ընդառնում են այդ հափշտակումները»⁵⁷: Բնորոշ է, որ քրդերը, որոնք բռնագրավել էին հայոց հողերը դեռ Համիդի իշխանութեան տարիներին, սահմանադրութիւնից անմիջապես հետո երկրի որոշ շրջաններում լքում էին այդ հողերը և հեռանում: Նրանք կարծում էին, թե կատարված քաղաքական հեղաշրջումը եկել է վերականգնելու ճշմարտութիւնը, պատժելու չարին և պաշտպանելու տուժածի իրավունքները: Բայց երբ տեսան, որ նոր կառավարիչները հների նման շարունակում են խրախուսել հայկական հողերի հափշտակումները, պաշտպանում են մահմեդական բնակչութեան շահերը ու ոտնահարում քրիստոնյաների իրավունքները, նորից վերադարձան և կրկին տիրացան հայոց հողերին⁵⁸: «Հորիզոնի» թղթակիցը 1913 թ. գրում էր. «Սահմանադրութեան հռչակման առաջին տարում շատ քրդեր կամովին հեռացան իրենց բռնագրաված հողերից, բայց երբ տեսան, որ կառավարութիւնը առաջվա հայահալած քաղաքականութեանն է հետևում, հովանավորում է նրանց, ովքեր շարունակում են տիրել հայերից խլած հողերին»:

⁵⁵ «Դյուզանդիտն», 1914, 6 օգոստոսի:

⁵⁶ Նույն տեղում, 1911, № 4533:

⁵⁷ «Сборник дипломатических документов. Реформы в Армении». Петроград, 1915, № 3:

⁵⁸ Դյուզանդիտն», 1908, 9 հոկտեմբերի:

իրենք էլ նորից եկան և գրավեցին լրած հողերը»⁵⁹։ Քրդերը վերստին հափշտակեցին նաև հայոց վանական հողերը, այսինքն՝ այն հողերը, որոնք հեղափոխությունից անմիջապես հետո նույնիսկ թողել ու հեռացել էին։ Նրանք այդպես վարվեցին Աղբակում, երբ 1909 թ. «նորեն տիրացան իրենց գրաված արտին ու սկսեցին վարել այն»⁶⁰։ Երիտասարդ թուրքերը այնուհետև շտապեցին օրինականացնել քրդերի հողային հափշտակումները և սկսեցին թափուներ տալ նրանց։

Հայ շինականները բողոքեցին դրա դեմ։ 1912 թ. գարնանը Բաբերդի Պոսնիք գյուղի մուխթարը հնուագրում էր մայրաքաղաք՝ հայոց պատրիարքին՝ «Կալմակամը մեր օրինավոր թափուով ունեցած հողերը բռնի վաճկատուն քյուրտերու կուտա։ Սահմանադրության համաձայն է սա։ Իմացուցեք»⁶¹։

Սակայն թուրքական իշխանությունները կամ անտարբեր էին մնում հայոց բողոքագրերի նկատմամբ, կամ դրանք ուղարկելով մեկ հաստատությունից մյուսը, թողնում էին անհետևանք⁶²։

* * *

Երիտասարդ թուրքերը իրենց հողային քաղաքականության դասակարգային ուղեգիծը անց էին կացնում նաև թուրք ազդաբնակչության մեջ։ Հայտնի է, որ Արևմտյան Հայաստանում թուրք հողատերերը քրդերից հետո կազմում էին ֆեոդալական դասակարգի երկրորդ խոշոր զանգվածը (մյուս ազդեցությունների՝ հայերի, ասորիների, չեքերների ու այլոց ներկայացուցիչները կազմում էին այդ դասակարգի սուսկ փոքր մասը)։ Դեռ Համիդի իշխանության տարիներին թուրք ավատատերերը երկրի մի շարք վայրերում բռնագրավել էին ոչ միայն հայ, այլև քուրդ և անգամ թուրք շինականների հողերի որոշ մասը։ Նրանք միաժամանակ տիրացել էին պաշտոնների և ամրապնդել իրենց տնտեսական ու քաղաքական դիրքերը, նրանք հանդիսանում էին կալմակամներ, մուխասար-բիֆներ, մյուդիրներ, դատավորներ, հարկահավաքներ և լայնորեն զբաղվելով նաև սևեֆդարությամբ, այսինքն՝ վաշխառությամբ, իրենց ձեռքերում էին հավաքել երկրի մի շարք շրջանների «ամբողջ հրամանատարական դիրքերը»⁶³։

Երբ տեղի ունեցավ հեղափոխությունը, իթիհատականները թուրք կալվածատերերին չզրկեցին նրանց նվաճած դիրքերից, ընդհակառակը, սկսեցին նրանց սիրաշահել ու փայտաշել, ներգրավել իրենց կուսակցության մեջ։ Իսկ թուրք ավատատերերը, տեսնելով նորեկների այդ վերաբերմունքը, համակրեցին սահմանադրությունը և դարձան նրա պաշտպաններ։ Ինքին Տեր-Մինասյանը իր հուշերում գրում էր, որ այդ ավատատերերը «սկսան ձևանալ հեղափոխական, միտան իթիհատի շարքերը և անոր միջոցով ջանացին պահել իրենց դիրքերը սահմանադրական դրոշին ներքո։ Անոնք ոչ միայն դեմ չգնացին սահմանադրության, այլ ևսնոր պաշտպան հանդիսացան, անոր ղեկավարության մեջ դիրք գրավեցին, սահմանադրական կարգերը այնպես դասավորեցին, որ իբրև հեղափոխական և սահմանադրության միակ հավատարիմ հե-

⁵⁹ «Հորիզոն», 1913, № 240։

⁶⁰ Նույն տեղում, № 284։

⁶¹ «Ազատամարտ», 1912, № 894։

⁶² ԹԱՔԱ, ֆ. «Դեսպանությունը Կ. Պոլսում», 1910, գ. 2678, թ. 29։

⁶³ Ի ն ո ռ ե ն Տ ե Ր-Մ ի ն ա ս յ ա ն, Հայ հեղափոխականի մը հիշատակները, Լոս Անջելոս, 1952, մաս 2, էջ 87։

նարաններ» անսահման իրավունքներ ավելցուցին իրենց արդեն ունեցածին վրա»⁶⁴։

Եվ իսկապես, Իիթլիսում Դիդոյի Ռաշիդը, որ հին ռեժիմի օրոք թահսիլ-դար էր (այսինքն հարկահավաք), երիտասարդ թուրքերի կառավարման տարիներին դարձավ տեղական իթթիհատական վարչության նախագահ։ Խոջա Իլասը, որ առաջ սոսկ սելեֆդար էր, այժմ դարձավ Սուլուխի գյուղատեր ու ընտրվեց օսմանյան պառլամենտի մեմբեր։ Ֆալամաղը, որ բռնակալի իշխանության օրերին բաղմաթիվ հայ ու քուրդ գյուղեր էր ավերել, հափշտակել նրանց կալվածքները, նոր կառավարիչների տարիներին դարձավ իթթիհատական կոմիտեի անդամ։ Եվ այդպես, բաղմաթիվ ուրիշ դեմքեր հին ռեժիմի երկրպագուներեն կարողացան բռնել հեղափոխության անսանձ ձիու քամակը, և իրենց ցանկացած ուղղությամբ քշեցին լանոր բերած սահմանադրությունը։ Դուրան-բարձրավանդակի շրջանում, ով որ սահմանադրության թշնամին չէր, կամա թե ակամա հաշվի պիտի առնե՞ր այս մարդկանց, ուզե՞ր թե չուզե՞ր պիտի համբուրվե՞ր, հղբայր ձևանար»⁶⁵։

Ռուբեն Տեր-Մինասյանի այս վկայությունը թուրքական բեկերի մասին ուրեք է բնորոշ համարել նաև Արևմտյան Հայաստանի մյուս վիլայեթների համար։ Հնչակյան գործիչ Ս. Սապահ-Գյուլյանը 1912 թ., լինելով Սըլվադի վիլայեթի Շար-Ղշլա ավանում, նշում էր, թե դա թուրքական բեկերի տիրապետության շրջան է։ Այստեղ են հավաքված «կողոպտող, ավերող, գողեր պահող, ժողովրդի արյունը ծծող բոլոր բեկերը, աղաները, էշրաֆները»։ Նրանք «լայն կյանք են վարում, երկրի տերը իսկական իրենք են, կառավարություն, վարչություն՝ ամեն ինչ իրենց ձեռքին է, ամեն բան կարգադրող, տնօրինող իրենք են... բոլորն էլ թունդ իթթիհատականներ են»⁶⁶։

Նման իրադրության մեջ հասկանալի է, որ երիտասարդ թուրքերը չլուծեցին նաև թուրք գյուղացիության հողային հարցը։ Առաջվա պես նրանց թողեցին սակավահող ու հողազուրկ, տնտեսապես կեղեքված ու քաղաքականապես իրավազուրկ, իսկ բողոքի դեպքում նրանց խրախուսում էին շարունակել հայ շինականների հանդակների բռնագրավումը։ 1911 թ. հունիսի 10-ին էրզրումի ուսական գլխավոր հյուպատոսը հաղորդում էր, որ Մուշի գաշտում շարունակվում են հայերի ու թուրքերի հողային վեճերը։ Թուրքերը օրը ցերեկով սուլանեցին 8 հայ։ Վալին չմիջամտեց վեճին, միայն տուժածներին առաջարկեց դիմել դատարան⁶⁷։

Մենք դժբախտաբար չունենք քիչ թե շատ բավարար տեղեկություններ այն մասին, թե սահմանադրությունից հետո թուրք և քուրդ գյուղացիները ինչքան հող ձեռք բերեցին և ինչքանից զրկվեցին։ Բայց ականհայտ է, որ սրանք, իբրև տիրապետող կրոնի և ազգության պատկանողներ, Արևմտյան Հայաստանում համեմատաբար լավ էին բավարարված հողով, քան հայերը⁶⁸։

64 Նույն տեղում, էջ 87—88։

65 Նույն տեղում, էջ 88։

66 Ս. Սապահ-Գյուլյան, Փոքր Հայքի հիշատակները, Զիկագո, 1917, մաս 1, հատ. 1, էջ 346—347։

67 ԻԱԲԱ, ֆ. «Դեսպանությունը Կ. Պոլսում», 1911, գ. 2680, թթ. 67—68։

68 Ա. Ս. Համբարյան, Ազդարարին հարաբերությունները Արևմտյան Հայաստանում (1856—1914), Երևան, 1965, էջ 77։

Արևմտյան Հայաստանում, բացի նշված ժողովուրդներից, ապրում էին նաև ասորիներ՝ գլխավորապես Հեքյարիում ու Դիարբեքիի վիլայեթում։ Թուրքական սուլթանների, հատկապես Համիդի իշխանության տարիներին քրդական աղաները բռնաբերվել էին ասորական գյուղացիների դաշտային հանդակների մեծ մասը և քչն նրանց լեռները։ Աղաները աշխատում էին ասորիների ձեռքից խլել նաև նրանց վերջին հանգրվանը, բայց նրանք ամրանալով հարազատ վայրերի բարձունքներում, հերոսաբար պայքարում էին քրդական ներխուժման դեմ։

Այդպիսով, երբ ի մի ենք բերում 1908 թ. հետո Արևմտյան Հայաստանում ագրարային հարցի շուրջը ծավալված պայքարը, նկատում ենք նրա լուծման երկու ուղի՝ երիտասարդ թուրքերի և գյուղացիության։ Առաջինները ձգտում էին լուծել այդ հարցն աղաների ու բեյերի օգտին, տալով գյուղացիներին շրջին գումար. երկրորդները՝ հայերը, թուրքերը, քրդերը, շեշենները, շերբեղները, ասորիները և ուրիշները, պահանջում էին լուծել ագրարային կնճիռը վարչական կարգով, բռնություններ վերցնել հողը աղաներից ու բեյերից, հանձնել գյուղացիներին՝ անվճար օգտագործելու։

Սակայն երիտասարդ թուրքերը ղարոզացան ապահովել կապիտալիզմի զարգացման անգամ պրոուսական ուղին։ Հովանավորելով աղաներին ու բեյերին, հակադրելով մահմեդական բնակչությանը քրիստոնյաներին, նրանք ավելի սրեցին սոցիալական ու ազգային հակասությունները, իսկ հետո բռնեցին արկածախնդրության ու ոճրագործության ճանապարհը։ Իթիհատականները նետեցին երկիրը առաջին համաշխարհային պատերազմի բոցերի մեջ, օգտագործեցին տալիս ու կոտորեցին հայերին, իսկ իրենք այրվեցին այդ բոցերում ու անհետացան պատմությունից իբրև տխրահուշակ կառավարիչներ ու նողկալի եղևոնագործներ։

АГРАРНАЯ ПОЛИТИКА МЛАДОТУРОК В ЗАПАДНОЙ АРМЕНИИ

Доктор историч. наук А. С. АМБАРЯН

(Резюме)

В конце XIX—начале XX вв. аграрный вопрос был одним из главных проблем в Турции. Шовинистическая, антиармянская политика Абдул-Гамида особенно заострила эту проблему в Западной Армении, где после погромов 90-х годов турецкие феодалы получили возможность расширять свои владения за счет армянских земель.

Накануне революции 1908 г. младотурки обещали народным массам вернуть их землю, но после своего прихода к власти они, защищая интересы феодалов, обманули трудящихся, нередко разжигали между народами вражду и таким образом отвлекали их от классовой борьбы. Младотурки не только не решили аграрную проблему, но еще более углубили аграрные противоречия в Западной Армении.